

奩

史

晉書卷八十七

東吳王初桐于陽簪述

蘭陵孫星衍淵如校刊

綺羅門

綺羅

楊素後庭伎妾曳綺羅者以千數

宛委餘編

袁術後宮數百皆服羅綺

魏志

洪武元年賜張良佐妻文綺紗羅各二疋永樂三年

賜罕賓法祖母母妻織金文紗羅各五十疋

賞賚考

傳元相逢行大婦織綺羅中婦織流黃

傳萬觚集

皇太子納妃有絳地織成綺七綵杯文綺

東宮舊事

大祖見宮人遺綺在地名諸姬至而責之

翦勝野聞

古詩咏羅敷云湘綺爲下裳紫綺爲上襦

樂府雜錄

漢武帝用紫羅薦地以待西王母

漢武內傳

趙飛燕爲皇后女弟上羅帷羅幌羅帳羅幃

西京雜記

宮中有娠賜羅二百疋

武林舊事

鄭允端謝高氏姊惠素羅云雪色香羅照眼明阿兄

相贈見深情

肅雅集

永樂十三年賜寧國長公主各色羅十表裏

實資考

慶一娘回定之儀有宮絲公服羅一疋藉用紅玉條

紗 長安客話

皇后謁家廟後散付親屬物件有生色羅 武林舊事

頒賜國王妃羅二疋一黑綠一青素 瑠球使畧

廣川王幸姬陶望卿爲脩廢夫人主繒帛盡取善繒

句諸宮人 漢書

獻帝新遷都宮人多亡衣服帝欲發御府繒以作之

李儼曰宮人有衣服何爲復作耶 獻帝春秋

馮太后不好華飾躬御縵絹而已 魏書

朱百陽居山陰有時出山爲妻買縵綵三五事好飲

酒遇醉或失之 宋書

垂拱中鄭生曉度洛橋見一艷女遂載歸號曰汜人能誦楚詞九歌招魂九辨之書亦常擬爲怨歌其詞艷麗生居貧汜人常出輕繒一端賣之有胡人酬以千金一夕謂生曰我湖中蛟室之姝也謫而從君今歲滿矣乃與生訣後十餘年生兄爲岳州刺史會上巳日與家徒登岳陽樓望鄢渚有畫舫浮漾而來中爲彩樓高百餘尺有彈絃鼓吹者皆神仙蛾眉中一人起舞含嚔怨類汜人須臾風濤崩怒遂不知所在

異聞集

宣室志輕繒作絳綃

鄭舉舉者善令章巧談諧爲諸朝士所眷名震醴宴

盡得其歡各取彩繒遺酬

北里志

魏氏王娶妃公主嫁之禮用絹百九十匹

西晉文紀

崔基寓居青州朱氏女姿容絕倫崔約女爲妾後三更忽聞扣門崔披衣出迎女嗚咽云適得暴疾喪亡忻愛永奪于懷中抽二疋與崔曰近自織此絹欲爲君作單衫未得裁縫今以贈離崔以錦八尺答之女取錦倏然而滅至旦告其父父曰女昨夜忽然病亡崔曰君家絹疋無零失耶答曰女舊織餘絹兩疋女亡婦出絹欲裁爲送終衣轉盼失之

述異記

朱氏寡婦病死復蘇云被執至一所見府吏言汝前

生負我家絹若干匹今放汝歸急至某處送還我母
及送還其母具言其兒狀貌悉同

真報拾遺

宋太祖賜蜀太后李氏絹十匹

十國春秋

蘇小小錢塘名娼也容色俊麗頗工詩詞其姊名盼
奴與太學生趙不敏相洽不敏貧盼奴周給之使篤
于業遂捷南省得官授襄陽府司戶盼奴未能落籍
不得偕行不敏赴官三載想成疾而卒有祿俸餘資
屬其弟趙院判送盼奴爲言盼奴有妹小小可謀致
之佳偶也院判如言至錢塘托錢塘倅召盼奴領其
物倅爲名之有蒼頭至云盼奴於一月前已抱病歿

小小亦爲於潛官絹事繫獄倅遂呼小小出詰之小小曰於潛官絹此亡姊盼奴之事倅因問汝識襄陽趙司戶耶小小曰趙司戶未仕之日姊盼奴周給後中科授官去久盼奴想念因是致疾而卒倅曰趙司戶亦謝世矣遣人附一緘及餘物外有伊弟院判一緘付爾開之小小自謂不識院判何人及拆書惟一詩曰昔時名妓鎮東吳不戀黃金只好書借問錢塘蘇小小風流還似大蘇無小小默然倅令和之援筆立成云君住襄江妾住吳無情人寄有情書當時若也來相訪還有於潛絹事無倅大喜盡以所寄與之

力爲作主命小小歸院判偕老焉武林紀事 七修類稿曰小小一本作小娟蓋抄之者之誤緣武林紀事無刻本也

宮中有娠賜絹一千六百疋釘設產閣武林舊事

安南國進皇后方物有五色細絹五十疋天南行記

永樂八年賜寧國長公主絲絹三百疋弇山堂別集

張江陵奉母入京上賜江陵母裏絹四疋明逸編

正統九年賜可汗妃絲絹三十二疋賞賚考

大和中蕭曠遊洛夜憇雙美亭月下取琴彈之俄有一美人至曰洛浦神女也適聞君琴韵清雅願一聽之乃彈別鶴操神女嘆美焉俄有一青衣引一女曰

織綃娘子至矣神女曰洛浦龍君之愛女善織綃于
水府適令召之耳遂命雙鬟持茵席具酒殽而至傳
觴叙語情況昵洽蘭艷動人若左瓊枝而右玉樹繡
綵永夕咸暢其懷將曉神女出明珠翠羽二物贈贖
曰此乃陳思王賦所云或拾明珠或拾翠羽者也龍
女出輕綃一疋贈贖曰若有胡人購之非萬金不可
贈訖超然躡虛而去

洛神傳

貞元中鄭德璘舟泊江夏旁有婬賈韋生乘巨舟抵
湘潭其夜與隣舟告別飲酒韋生有女居于舟之柁
檣隣舟女亦來訪別二女同處笑語夜將半聞江中

有秀才吟詩者隣舟女善筆札因覩韋氏牧齋中有紅牋一幅取而題所聞之句哦吟良久及曉東西而去德璘舟與韋氏舟同離鄂渚信宿至洞庭畔復與韋生舟相近韋氏女美而艷日暮于水窗垂釣德璘窺見之甚悅遂以紅綃一尺題詩于上彊惹其釣女收取之然不工刀札恥無所報遂以夜來隣女所題紅牋者投之德璘謂女所製甚喜然無計遂其款曲韋舟遽張帆而去風勢將緊德璘小舟不敢發俄有漁人語德璘曰向者賈客巨舟全家沒於洞庭矣德璘悲惋作弔江姝詩酌而投之至誠感應遂有水神

持詣水府府君覽之召溺者數輩曰誰是鄭生所愛
有主者搜韋氏臂見紅綃語府君府君即使主者攜
韋氏送鄭生時已三更德璘有物觸舟乘炬拯之乃
韋氏也繫臂紅綃尚在德璘喜且駭良久女蘇息乃
說府君感君而活我命德璘遂納爲室

古今小說

汾州妓張慧玉年十五色藝雙絕工小詩巧伺人意
與雷笏山定情臨別出紅綃半縷賦詩相贈所書小

楷學衛夫人

本事詩

曹植洛神賦曳霧綃之輕裾

陳思王集

張建章往渤海風濤遇仙女于島遊一蛟綃軸之如

著夏月展之則滿室凜然

北夢瑣言

獮女握兵符者得曳蝶綃冰蠶所緝織作蝶紋輕逾
火浣服之避暑

雅

楊汝士開宴營妓咸集人與紅綾一疋

北里志

寇萊公有妾曰蒨桃公因高會贈歌姬以束綾蒨桃
作詩呈公曰一曲清歌一束綾美人猶自意嫌輕不
知織女螢窻下幾度拋梭織得成

翰苑名談

霍光妻遺淳于衍散花綾二十五疋綾出巨鹿陳寶
光家寶光妻傳其法霍顯召入其第使作之緞用一

百二十鐻六十日成一疋

西京雜記

越溪進耀光綾帝以賜司花女泊絳仙

隋遺錄

女王國貢龍油綾文彩尤異入水不濡溼云有龍油故也

杜陽雜記

拂林國婦人皆衣胡綾紺文雜錦

海國聞見錄

安南國進皇后方物狀有五色綾一百疋

天南行記

永樂十五年賜寧國長公主綵緞三十疋

弇山堂別集

正統四年賜可汗妃織金獅子白澤虎豹麒麟采雲

細花等段十六疋

賞齋考

安南國進皇后方物狀有西洋國黃毛段子二疋天

絲緞子三疋

天南行記

宋寧宗宮人積梅雨水以二蠶蠶絲織紬有自然
碧色名曰松陰色

紫桃軒雜綴

世祖宏吉刺后率宮人親執女工拘舊弓絃練之緝
爲紬以爲衣製密比綾綺

元史

神女賦動霧縠以徐步注云縠細如霧揚子法言霧
縠之麗女工之蠹

學林就正

光穆皇后鍾氏不事玩好副笄大練淡如也

南唐書

寧國長公主生辰賜紗五百綻

弇山堂別集

仁聖太后賜張江陵母彩衣紗六疋

明逸編

泉女織紗輕如蟬翼名蟬紗

韻學事類

元稹詩紅羅著壓逐時新杏子花紗嫩翅塵

元氏長慶集

劉子輦汴京紀事詩機女猶挑韻字紗

屏山先生集

楊后宮詞內家衫子新番出淺色新裁艾虎紗

王建宮詞嫌羅不著愛輕容唐類苑云輕容無花薄

紗也蓋今銀條紗之類

丹鉛總錄

李羸遇神女遺以匹素後胡人以三百萬易之曰此

龍領髯所織三十小劫方斷一絲

楊氏六帖

永樂八年賜寧國長公主素二十四疋大紅四疋深

青四疋紅三疋翠藍四疋明綠五疋出爐銀紅四疋

賞賚考

焦仲卿妻十三能織素

王臺新詠

班婕妤詩新製齊紈素皎潔如霜雪

萬寶詩山

焦仲卿妻腰著流紈素

王臺新詠

沈休文雨夜齋中獨坐風開竹扉有一女子攜絡絲
具入門便坐風飄細雨如絲女隨風引絡絡繹不斷
斷時亦就口續之若真絲焉燭未及跋得數兩起贈
沈曰此謂冰絲贈君造以爲冰紈忽不見沈後織成
紈鮮潔明淨不異于冰製扇當夏日甫攜在手不搖
而自涼

嬋媛記

獻帝敗走六宮皆步行出營后手持縑數疋董承奪

之殺傍侍者血濺后衣

華矯後漢書

程偉妻能通神變化偉當從出無衣甚愁妻卽爲致

兩縑得以爲衣

謝承後漢書

桓譚新論作兩疋縑

文明太后賜楊津縑百疋

後魏書

嚴蕊字幼芳天台營妓唐仲友守台日嘗命蕊賦紅

白桃花蕊應聲成如夢令云道是梨花不是道是杏

花不是白白與紅紅別有東風情味曾記曾記人在

武陵微醉仲友悅賜以雙縑

汝笈新鹽

後周以臬紵爲衫貴女功始也

續事始

頒賜國王妃有紵絲二疋黑綠花一疋深青素一疋

陳侃琉球使畧

永樂八年賜寧國長公主紵絲五十匹

賞賚考

仁聖太后賜張江陵母紵絲六表裏

弇山堂別集

唐元宗時柳婕妤妹適趙氏性巧使雕工鏤板爲雜花打爲夾纈初獻皇后一疋代宗賞之勅宮中依樣

製造

潘氏紀聞譚

柳婕妤始製夾纈

事物紀原

薛濤詩夾纈籠裙繡地衣

洪度集

杜牧在湖州見一女寺僧羅纈一篋爲質後十四載刺湖州此女適人已三載育子二人矣因贈詩云

自是尋春去較遲不須惆悵怨芳時
狂風落盡深紅

色綠葉成陰子滿枝

漢唐秘史

婦人衣青碧纈

唐書

魚子纈水波紗言婦女衣服之美段成式詩醉袂幾

侵魚子纈

海錄碎事

宮中有娠賜襦襦纈一疋

武林舊事

慶一娘回定之儀有開合鎖金纈一匹藉用紅玉文

虎紗

長安客話

景初中賜倭女王綵百疋蒔絳五十疋紺青五十疋

魏志

薛瑤英于七月七日令諸婢共剪輕綵作連理花千餘朵以陽起石染之當午散于庭中隨風而上徧空中如五色雲霞久之方沒謂之渡河吉慶花籍以乞巧致虛閣雜俎

宋內職官有綵製帥

宋書

天后賜王方慶雜綵六十段并瑞錦等物

唐書

五月五日集五綵繒謂之辟兵伏君曰青赤白黑爲之四面黃居中央名曰襍方綴之于複以示婦人養蠶之工也傳聲者誤以爲辟兵

裴元新言

姜廉入神祠觀捧印女子望容端麗有惑志焉戲解

手帕繫其臂爲定方歸卽被疾忽聞外間兩殿舞一
女子絕色自齋出上堂拜姜母曰妾與郎君有嘉約
願得一見姜聞欣然而起妻時引避女請曰不可以
我故問汝夫婦之情妻亦相拊接懽如姊妹女事姑
甚謹值端午節一夕製綵絲百副盡餉族黨其人物
花卉字畫點綴歷歷可數自是皆以仙姑稱之居無
何與姑言新婦有大厄乞暫適他所避之再拜出門
遂不見頃之一道士來曰此女劍仙也先與一人綢
繆遽舍而從汝以故欲殺汝二人我來救汝耳因令
姜就榻堅卧久之乃劍擊戛之聲不絕忽有一髑髏

墜榻下道士出藥滲之化爲水道士去女卽來同室
如初劍俠傳

正統四年賜可汗妃綵幣十表裏賞賚考

慶一娘回定之儀有開合利市綵一匹藉用紅玉文

虎紗長安客話

汲太子妻李氏與夫書曰并致納一端北堂書鈔

天子見西王母獻組百純西王母再拜受之穆天子傳

錦繡西施造事始

王彥伯秉燭理琴見一女取琴調之遲明女取錦繡

贈別彥伯以玉琴答之而去誠齋雜記

穆王持白珪重錦以爲王母壽

西王母傳

盛姬之喪天子使嬖人贈用文錦

穆天子傳

梁元帝有爲妾夏玉豐謝東宮資錦啟

續補侍兒小名錄

南詔婦人貴者綾錦裙襦上施錦一副

唐書

古里班卒國女被短髮假錦纏頭紅油布繫身

島衣志

宋太祖賜蜀太后李氏錦綺千匹

十國春秋

仁宗初賜寧國長公主錦六疋

弁山堂別集

樂府有美人聯錦篇

詞品

霍光妻遺淳于衍蒲桃錦二十四疋

西京雜記

開平三年阿保機母妻各進雲霞錦一疋

冊府元龜

明霞錦光耀芬馥唐宮中貴之

坦齋通編

女王國有魚油錦入水不濡以有魚油故也

杜陽雜編

吳趙達之妹巧妙無雙能于指間以彩絲爲雲龍蚪鳳之錦大則盈尺小則方寸

拾遺記

景初中賜倭女王絳地交龍錦五疋紺地勾文錦三疋

魏志

后始加大號婕妤上二十六物使侍兒郭語璽拜上

內有鴛鴦萬金錦一疋

飛燕外集

樊嫔旣進合德帝立賜嫔鮫文萬金錦二十四疋

飛燕外傳

外傳

張貴妃以近上元令織異色錦文彥博遂令工人織金線燈籠爲錦紋貴妃衣之明年上元日中官有詩曰無人更進燈籠錦紅粉宮中憶佞臣

碧雲驥

宋仁宗張貴妃侍上元宴有燈籠錦上怪問曰文彥博所獻上不樂

言行錄

慶一娘回定之儀有畫眉五色錦一匹藉用紅玉條紗

長安客話

倭國婦人服飾有扇子錦

戒菴漫筆

拂林國婦人皆服珠錦

杜環經行記

安南國進皇后方物狀有蠻錦一百疋

天南行記

蕭統詩大婦成貝錦中婦飾粉純 梁昭明集

和凝詞鶯錦蟬紗馥麝臍 紅葉稿

唐禁中老宮人每引泉先於池底鋪錦王建宮詞云

只今池底休鋪錦綾角鷄頭積漸多 李石開城錄

皇太子納妃有碧紗座挂半繡一 東宮舊事

石崇後房數百皆曳紈綉珥金翠絲竹盡一時之選

續文章志

定州織刻絲婦人一衣終歲方就 夢花洲開錄

蘭香降張碩家與碩織成袴衫 杜蘭香傳

高柔婦與柔書曰今奉織成袜一量 太平御覽

茫蠻婦人披五色婆羅

蠻書

周憲王元宮詞剪絨緞子御前分

誠齋新錄

唐童謠曰天上女兒鋪白氍

集異記

羌女人披太華氍毹以爲盛服

廣志

奇蠻貴家女常披氍

蠻書

安定公主嫁回鶻來歸詔使勞問以黠髮所獻白貂

皮賜之

唐書

須女四星主布帛

春秋元命包

靈太后幸左藏公主嬪女已下從者百餘人皆令任

力負布絹卽以賜之

魏書

衛人有妻禱而祝曰使我無故得百束布其夫曰何少也妻曰益則子將取妾

韓子

郢大夫江乙母亡布謁楚王曰令尹使人盜之王驚問故母曰昔孫叔敖爲令尹道不拾遺今令尹之治盜賊公行故使盜得盜妾布與使人盜何異

女世說

馬太后左右但著布無薰香之飾

後漢書

安南國進皇后方物狀有闍婆國布十疋

天南行記

宮中有娠賜銀絹等物內有臙藥布二條金漆箱兒

金鈕地黃汗布二條

武林舊事

頒賜國王妃白毳絲布十疋

琉球使畧

永樂十三年賜寧國長公主各色毳絲布五疋各色
將樂布十疋高麗布十疋

琉球使署

越王使越婦女入山採葛作黃絲之布以獻吳王采
葛婦傷越王用心之苦乃作若何之歌

吳越春秋

蛾眉縣出符文布女績蓆爲之

石湖居士集

公主歲祿未受封者歲支夏布三十疋木棉布三十
疋親王女未封者歲支夏布木棉布減公主未封之
半

弇山堂別集

杜薄國女子作白疊華布

唐書

越草布也後漢馬后傳白越三千端潛夫論葛子升

越筒中女布盛宏之荊州記秭歸縣室多幽閒其女

盡織布至數十升謂之升越

丹鉛總錄

明帝出諸貴人當徙居南宮馬太后感析別之懷賜

越白三千端雜白二千疋

後漢書

宋內職官有後宮穀帛帥後宮穀帛治職後宮穀帛

內史

宋書

有一姥餉郭祖深早青瓜祖深報以疋帛

梁書

莊穆夫人吳氏常遊奉國寺王命載帛百緡以備散
施夫人曰妾備嘗機杼之勞遽以遊賞靡費非恤民
之道遂不受

吳越備史

金陵宮人採薔薇水染生帛一夕忘收爲濃露所漬

色倍鮮翠

楊文公談苑

同昌公主下降韋氏一日大會韋氏之族玉饌俱列暑氣將盛公主命取澄水帛以水蘸之掛于南軒良久滿座皆思挾纈澄水帛長八九尺似布而細明薄可鑒云其中有龍涎故消暑毒也

杜陽雜編

宋仁宗詔禁女子不得衣白褐毛段并黥褐帛

文獻通考

袁術求呂布女及布爲曹所攻乃以綿纏女身縛著

馬上夜自送女出與術求救

英雄記

曹操夫人與楊彪夫人書送房子官綿百斤

困學紀聞

公主歲祿未受封者歲支綿二百兩親王女未封者歲支綿減公主未封之半 弇山堂別集

同昌公主有火蠶綿云得之炎州絮衣一襲用一兩稍過度則煖蒸之氣不可近 杜陽雜編

永樂十三年賜寧國長公主兜羅綿十牀 弇山堂別集

薄太后以冒絮提文帝 史記

皇后以親蠶絲絮作巾絮 漢舊儀

吳隱之妻爲太守妻冬月無被欲澣衣則被絮 晉書

禮女始行服纁纁絳也 蔡邕女誡

端午賜后妃諸閭紫練白葛紅蕉之類 乾淳歲時記

李後主內人染碧夕露中庭爲露所染其色特好名

天水碧

五朝故事 乘異記後主宮人競服碧衣取
綻花盛天雨澄水染之号天水碧

正統十四年賜可汗妃暗八寶天花柏枝綠二匹素

栢枝綠二匹暗八寶天花雲紅二匹賞賚考

今人染弗肯紅名玉色非也當名肉色耳唐詩粉光
深紫膩肉色退紅嬌退紅卽今之粉紅也宜婦女服
堯瀟閒評

舊唐書卷八十七

舊史卷八十八

東吳王初桐于陽臺述

樂陵朱之璠盤涯校刊

珠寶門一

珠玉

禹母有莘氏曰修己含珠孕禹

蜀王本紀

昭靈后名含始遊于洛池有玉鷄銜珠刻曰吞此者

王含始吞之而孕生漢高祖

帝王世紀

李敬遷趙相其奴于鼠穴中得繫珠及瑇瑁以問主簿對曰前相夫人常亡珠不知所在疑其子婦竊之

因去婦敬送珠付前相前相還去婦

謝承後漢書

珠崖令卒官妻息送喪還漢法內珠入關者死妻棄其繫臂珠前妻子初年九歲好而取之置其母鏡奩中至關吏搜索得珠劾問誰當坐者前妻子初曰我當坐繼母曰兒不知也妾當坐初又曰夫人哀初之孤欲以活初耳因號泣傍人莫不酸鼻隕涕吏執筆不能就一字乃棄珠遣之

列女傳

梁冀守藏婢盜白珠紫金

梁冀別傳

許遜母夢金鳳銜珠墜于掌中吞之有娠生遜

史纂

石崇屑沉水之香如塵末布象牀上使所愛者踐之

無迹者賜珠百琲有迹者節其飲食令身輕弱故問
中相戲曰爾非骨細輕軀那得百琲真珠

拾遺記

梁元帝母阮修容曾失一珠元帝時絕切吞之謂是
左右所盜乃炙魚眼以厭之信宿之間珠從便出元
帝一目致眇

靈應傳

有貨珠子老媪攜珠子至李郡君家既去遺珠子在
地郡君收之一日媪至精神恍惚詰之曰向所貨珠
子歸則失去因憂愁感疾郡君曰珠子當時遺在地
我得之今在此媪驚喜涕下願致金六兩以請郡君
取還之金不受也後微疾夢至大官府有二偉人坐

堂上一吏持大簿書至案偉人曰記得還珠子事否
婦人而不愛珠寶此可尙也展壽二十年俾人送還
驚悟而起後二十年乃卒

隨手雜錄

壽聖皇太后生辰小劉婉容進自製十色菊千秋歲
曲破內人瓊瓊柔柔對舞上于閤子庫支賜五兩數

珠子一號

西湖遊覽志餘

沈偕遊京師欲訪蔡奴時蔡奴聲價甲于都下沈乃
呼賣珠人于其門首茶肆中議價再三不肯放其珠
于屋上賣珠者窘甚沈笑曰第隨我家候汝所索還
錢蔡于簾中窺見令取視之珠也大驚惶恐其不來

後數日乃詣之其家喜相報曰前日撒珠郎至矣接之甚至

齊東野語

汪某娶婦甫一月卽行賈婦刺繡易食以其餘積歲置一珠用綵絲繫焉曰紀珠夫歸婦沒已三載敗篋得珠已積二十餘顆矣

餘事集

梅妃素有寵因楊貴妃得幸遂遷上陽宮一日上在花萼樓封珍珠一斛密賜妃妃不受以詩進御曰柳葉雙眉久不描殘妝和淚汚紅綃長門盡日無梳洗何必珍珠慰寂寥明皇令樂府以新聲度之號一斛珠

梅妃傳

慶歷中有蕃商死珍珠沒官上命取禁中錢易之以
賜張貴妃因此同輩有于上前乞旨和買者京師珠
價騰踊上知之一日內殿賞牡丹張貴妃後至以所
賜珍珠爲首飾欲誇同輩上望見以袖掩面曰滿頭
白紛紛更沒忌諱貴妃慙赧遽起易之上乃大悅令
人各簪牡丹一朵自是禁中不帶珍珠珠價大減

元城

先生語錄

陳蒨嬖陳子高其女從窗隙窺之感想形於夢寐遂
與侍婢謀通焉嘗盜其母珠寶與之價值萬計贈以
詩扇子高恃寵漸與人語自是遠近播揚

吳興志

綠珠姓梁氏白州人石崇以眞珠三斛致之綠珠傳

望蠻婦人聯珂貝巴齒眞珠斜絡其身南夷志

安南國進皇后方物狀有金懸珥結眞珠一雙眞珠二百七十六顆大二中四小七十如鰲石樣二百玳瑁盤一口色珠十六顆黃泥珠四紫尼珠四碧尼珠四石榴珠四天南行記

樂史母夢異人令吞五色珠而生東都事畧

倭國女王獻眞白珠五十孔青大勾珠二枚魏志

震蒙氏女竊黃帝元珠汎江而死爲江濱神蜀檣杭

霍光妻遺淳于衍走珠一琲西京雜記

盜發堯女塚獲一大珠并玉盤人不能計其直餘寶器極多世莫之識也

尙書故實

和熹鄧太后時新遭大憂法禁未設宮中亡大珠一篋主名不立太后乃親自臨見宮人察其顏色開示恩信宮人盜者卽時首服

東觀漢記

昌樂縣君劉氏魏濤之夫人也濤爲獄掾里豪有獄囚乳醫獻大珠數萬夫人不取遂絕醫

後山集

狄氏者京師貴家女所嫁亦貴家明艷絕世名動一時都城婦女至相忿詆輒曰若美如狄夫人耶乃相凌我有滕生者因其出遊見之駭慕喪魂歸悒悒

不聊生訪狄氏所厚善者或曰尼慧澄與之習生過
尼厚遺之尼愧謝問故生以狄氏告尼難之曰此豈
可動耶生曰然則有所好乎曰惟旬日前屬我求珠
頗急生大喜卽索馬馳去俄懷大珠二囊示尼曰直
二萬緡尼曰其夫方便北豈能遽辦如許償耶生曰
但可動不願一錢也尼乃挾詣狄氏果大喜玩不已
問須直幾何尼以二萬緡告狄氏曰我未能辦奈何
尼因屏人曰不必錢此一官欲祝事耳狄氏曰何事
曰雪央官耳夫人兄弟夫族皆可爲也狄氏徐思之
曰我爲營之良易尼曰事有難言者二萬緡物付一

禿媼而主客不相問使彼何以爲信狄氏曰奈何尼
曰夫人以設齋來院中使彼若邂逅者可乎狄氏赧
面搖手曰不可尼曰非有他但欲言雪官事使彼無
疑耳狄氏乃徐曰後二日我亡兄忌日可往然立語
亟遣之曰固也及期尼爲治齋具而生匿小室中具
酒殽俟之晡時狄氏嚴飾而至屏從者獨攜一小侍
兒見尼曰其人來乎曰來也唄祝畢尼使童子主侍
兒引狄氏至小室褰簾見生及飲具大驚欲避去生
出拜狄氏答拜尼曰郎君欲以一厄爲夫人壽願勿
辭生固頌秀狄氏頗心動睇而笑曰有事第言之尼

固挽使坐生持酒勸之狄氏不能却爲醕卮卽持酒
酬生生因徙坐擁狄氏曰爲子且死不意果得子擁
之卽帷中狄氏亦歡然恨相見之晚也此夜散去猶
徘徊顙生挈其手曰非今日幾虛作一世人夜當與
子會自是夜輒開垣門召生無闕夕所以奉生者靡
不至惟恐絲毫當其意也數月狄氏夫歸生小人
也陰計已得狄氏不能棄重賄伺其夫與客坐遣僕
入白曰某官嘗以珠直二萬緡賣第中久未得直且
訟于官夫謬貽入詰狄氏語塞曰然夫嘗取還之生
得珠復造尼謝狄氏我安得此貸于親戚以動子耳

狄氏雖悲甚終不能忘生夫出輒召與通逾年夫覺
閑之嚴狄氏以念生病死

清樽錄

李惜兒京師名娼也景帝愛幸召入寢宮中賞賜其
家鉅萬及廢皇復辟惜兒死于獄籍其家大珠如芡
子者百八粒他物稱是

稗史彙編

有婦人夜漚麻於大水盎中忽見一物來入盎中飲
水其身通明如月婦細視之乃一白蜘蛛其大如五
斗栲栳婦以大鵝籠罩之剖其腹得一珠如彈丸大
照明一室

癸辛雜識

漢女所弄珠如荆芻卵

韓詩外集

吳王夫差小女紫玉悅童子韓重欲嫁之王不許玉
結氣死葬閭門外重遊學歸感其意乃具帛幣弔墓
前玉魂出見延頸而歌曰南山有鳥北山張羅鳥旣
高飛羅將奈何意欲從君讒言孔多悲結生疹沒命
黃壚命之不造寃如之何羽族之長名爲鳳凰一日
失雄三年感傷雖有衆鳥不爲匹雙故見鄙姿逢君
輝光身遠心近何當暫忘歌畢要重還家讌三日夜
盡夫婦之禮臨出取徑寸明珠以送重重旣出遂詣
王自說其事王大怒趣收重重脫走至玉墓所訴之
玉卽見王請勿治重王大驚愕夫人聞之出而抱之

玉如煙然 吳女紫玉傳

葛可久多幻戲其妻欲赴貴家飲患無珍奇服曰閉門勿通問吾爲若料理之居密室三日則持徑寸珠百八粒而出佩項上而往諸女伴爭奇鬥珍一見葛氏姥不覺心折 稗史彙編

朱仲者會稽市販珠人也高后時獻三寸珠魯元公主私以七百金從仲求珠仲獻四寸之珠 列女傳

突厥與中國交市有明珠一篋價值八百萬或白文獻獨孤皇后市之后曰非我所須也未若以八百萬賞將士有功者 隋書

煬帝命宮女灑明珠于龍舟上以擬雨雹之聲

隋書錄

吳絳仙有夜明珠赤如丹砂恒繫於蓮花帶上著胸
前夜行他人遠望但見赤光如初日輪不辨人也

女紅

餘志

鮫人之淚圓者成明珠長者成玉筋

記事珠

元宗武惠如窗上皆掛明光之珠

女紅餘志

一士人娶得陳宮人夜注火則惡煤氣士人易以蠟

復惡其影蕩人士人因詰之汝後宮何以照夜宮人

曰惟室中懸珠一顆耳

南部煙花記

唐太宗盛飾宮掖明燃燈燭延蕭后同觀謂曰朕施

設孰與隋主后笑而不答固問之對曰每至除夜殿
前諸院設火山數十盞沉香木根每一山焚沉香數
車以甲煎沃之焰起數丈香聞數十里房中不然膏
火懸寶珠一百二十照之今陛下殿前所焚是柴木
殿內所薰是膏油但覺煙薰耳

女世說

王師伐江南大將獲李後主寵姬夜見燈閉目云煙
氣易以熾亦閉目云煙氣愈甚曰然則宮中未嘗點
燭耶云宮中本閑每至夜則懸大寶珠光照一室如
日中也

王鉅默記

后始加大號婕妤上二十六物使侍兒郭語瓊拜上

內有枕前不夜珠一枚 西京雜記

真臘國獻萬年蛤不夜珠光彩皆若月照人無妍醜
皆美艷帝以蛤賜后以珠賜婕妤后以蛤妝玉成金
霞帳帳中常若滿月久之帝謂婕妤曰吾晝視后不
若夜視之美每旦令人忽忽如有所失婕妤聞之卽
以珠號爲枕前不夜珠爲后壽 飛燕外傳

貴妃宮中設上清珠光明潔白可照一室視之則出
仙人玉女雲鶴絳節之象搖動于其中 杜陽雜編

郎玉嗜酒而家赤貧遇仙女于蒿山中投以一珠曰
此醉龍珠也諸龍含之以代酒味踰下若玉甫視珠

而女忽不見矣 致虛閣雜俎

成武丁進沙摩掩日珠懸之中庭一庭日色寒於夜
月一小宮人愛眠當晝起拭目曰如何夜半烏啼如
此喚人醒也帝聞之大笑 異聞錄

晨水珠持以入水則步驟波上如平地長慶中嬪御
試弄于海池上忽化爲黑龍入于池內 杜陽雜編

西王母獻穆王雲澤之珠病者含之應時而愈 道篇

漳州范某妻夜起見地上紅光亂滾遂摸得所戴冠
子蓋之取火視乃一大珠藏之粧匣匣惟一簪明日
啟視得簪無算簪竟而珠現其色紅光彩爛燦大驚

嘉意其爲聚寶珠也因試以銀錢等物無不皆然然
須妻試之始驗若夫則否妻亦須至夜始驗若日間
則否故其妻製錦囊珠日則佩之夜則寘妝匣中不
二年遂成巨富後其媳爲妬浣衣入沸水中失解佩
珠珠遂失光試之竟不驗矣

曠園雜志

白厚娶劉純材女厚送烏瑄十事純材答以象田珠
十升厚大慚

耕桑偶記

周憲王元宮詞賜得西洋塔納珠

誠齋新錄

廣東老媪剖巨蚌得大珠藏之絮中夜輒飛去及時
復還媪懼去以大釜煮之至夜有光燭天隣里驚爲

火也競赴之光自釜中出乃珠也其大如彈丸中有
北斗七星隱然而見煮之半枯矣

聞見雜錄

袁博女得壞牆中瑠珠百餘

吳錄

焦生從烏桓賈李娥爲妻瑠珠二雙珠三斗

王朗雜事

王章死妻子徙合浦以採珠致產數百萬

漢世說

東海龍王第七女掌龍王珠戲小龍千數護衛此珠
其洞穴在震澤洞庭山南梁武帝以問燕公公曰龍
畏蠟愛美玉及空青而嗜燕若遣使通信可得寶珠
帝聞大喜使羅子春以蠟塗身齋燒燕五百枚美玉
二箇空青二箇入洞穴小龍聞蠟氣伏不敢動乃以

燒燕獻龍女龍女食之大嘉又上玉函青函具陳帝
旨龍女因以大珠三小珠七雜珠一石以報帝命子
春乘龍載珠還國帝得珠以示燕公公曰三珠其一
是天帝如意珠之下者其二是驪龍珠之中者七珠
二是蟲珠五是海蚌珠人間之上者雜珠是蚌蛤等
珠也

龍女傳

麻姑見蔡經母及經弟婦弟婦新產麻姑望見之曰
噫且止勿前卽求少許米擲地米皆成珠

神仙傳

元宗嘗欲真珠數升耿先生曰易致耳取小麥淘洗
以銀釜炒之食頃勻圓成珠

南唐近事

西藏婦女帶密蠟珠有大如盞者

衛藏圖識

明皇賜虢國夫人照夜璣蓋希代之珍

太真外集

貴妃及諸姨從幸華清宮瑟瑟珠璣狼藉于道

唐書

虢國夫人造中堂既成投匠二百萬復以金盃二瑟瑟

瑟三斗爲賞

明皇雜錄

于闐國婦人戴瑟瑟珠一珠可易一良馬

五代史

曹植美女篇明珠交玉體珊瑚間木難注引南越志

云木難金翅鳥沫所成碧色珠也大秦珍之

文選注

李愿姬女寶腕繩恒貫莫難珠

女紅餘志

漢元封中鬱林郡獻珊瑚婦人帝命植于殿前謂之

女珊瑚 述異志

漢成帝爲趙飛燕造服湯殿綠琉璃爲戶 漢武故事

唐末婦女尚琉璃釵釧流離播遷之兆 五行志

咸淳末婦女悉以琉璃代玉民謠曰滿頭多是假無處不琉璃假謂賈似道琉璃謂流離也 佩韋齋輯聞

桀伐岷山岷山獻二美女桀愛之刻其名于苕華之

玉 熒煌紀年

趙昭儀有四玉鎮皆達照無瑕缺 西京雜記

石季倫愛婢翔風妙別玉聲知其出處言西方北方玉聲沉重而性溫潤佩服者益人性靈東方南方玉

聲輕潔而性清涼佩服者利人精神

拾遺記

魏孝武帝有二玉鉢相盛可轉而不可出西域鬼作

奇寶也後元韶娶后奇寶隨后入韶家

春風堂隨筆

崔珏母夢仙童擎一盒曰帝賜盒中物令汝吞之啟

盒是二枚美玉取吞之覺而有娠

列仙傳

同昌公主帶如意玉上有七孔通明之象也

杜陽雜編

吳宮夜讀有少婦乘月奔之宮峻拒次日令婢持雙

玉魚來贈宮厲聲責之婢慚而退

迂論

南宋宮人有寒光水玉魚係楊太真潤肺物

談薈

天后嘗召諸皇孫觀其嬉戲出玉環釧杯盤縱令爭

取獨上端坐不動后大奇之撫其背曰此兒當爲太
平天子因命取玉龍子以賜玉龍子太宗于晉陽宮
得之文德皇后常置之衣箱中

明皇雜錄

沈攸之愛妾馮月華臂上玉馬穿以絲繩卧輒置枕
下夜或失之旦則如故視其蹄必有泥跡

渚宮故事

玉女洗頭盆內有玉女馬一匹

真誥

李輔國有香玉辟邪爲怪不已輔國惡而碎之輔國
嬖妾慕容宮人知異常物隱屑二合其香可聞數百
步雖鎖之金函石匱終不能掩其氣或以衣裾拂之
芬馥經年縱澣濯數四亦不消歇

說郛

徐中寶婦見白氣斜飛中若有物以手攫之得玉蛺蝶一枚製作精工

江表志

盛生好游青樓一日閒行某庵庵中老尼生所善也見生至笑生曰兩日作何好夢令汝快活死生問故尼曰五日後可蚤來幸秘勿洩生唯唯至日生至則鳴鼓禮佛號僧尼麝聚幾無容足處生不知其意稍坐卽趨出尼曰且吃齋去挽入一小堂桌上明燭酒殽豐美令生坐扃門而出生遍視室中設四榻茵褥帷帳悉豪家物每榻蒸一爐香氣郁然帳內先有三少年各卧一榻見生來亦不驚異生坐更餘聞笑語

啟錦尼秉燭引四婦人來皆冶妝澹服見生而笑生
却避不敢前尼引生袖付一少婦三少年亦自帳內
出婦人各攜其一就坐酌酒浪謔歡洽尼起諸婦各
擁少年入帳盛生所主最少尤妖艷淫蕩已極四鼓
尼開帳進卮酒門外輿從雜沓燈火繽紛各起整妝
少婦贈生金合子玉鴛鴦惜別登輿而去生偃息至
曉歸家竟不知誰家眷屬也

桐下所然

李龜溪之子娶韓平原之女奩具有白玉香獅子

高二尺五寸精妙無比

癸辛雜識

西王母云元昌城玉女夜出玉光如火

漢武內傳

玉之精名委然狀如美女夜見美女秉燭入石石中
存玉也以桃戈刺之而呼其名卽得之

地鏡圖

江巖採藥清泉山遙見一美女紫衣獨踞石而歌有
碣石之音巖往未及數十步輒失女處惟見所踞石
耳如此數日巖乃擊破石遂從石中得一紫玉廣長
一尺後不復見女

錄異傳

西王母上藥有赤河絳璧

漢武內傳

武帝賜王夫人璧

漢書

吳王有女勝玉自殺葬于閭門外文石爲樽金鼎玉
杯銀樽珠襦之寶皆以送女

吳越春秋

高德正除冀州刺史其妻出寶物滿四床

北齊書

開元中李氏女子爲尼名真如七月七日有五色雲自東方來雲中有人引手授一囊有寶五段及肅宗元年真如忽見皂衣二人引去東南至一城見天帝復授以八寶八寶一曰如意寶珠二曰紅靺鞨三曰琅玕珠四曰玉印五曰皇后採桑鈎二枚六曰雷公石二枚其五寶一曰元黃天符二曰玉鷄三曰穀璧四曰王母玉環二枚

鄭輅得寶記

張江陵奉母入京上賜江陵母銀八寶一百兩慈聖太后賜江陵銀八寶五十兩

弁山堂別集

李章武于華州市北見一婦人甚美遂僦居于其家
主人姓王美人則其子婦也乃悅而私焉無何章武
繫事告歸殷勤叙別章武留交頸錦綺一端仍贈詩
曰鴛鴦綺知結幾千絲別後難尋見翻傷未別時子
婦答以白玉指環曰念指環相思重和憶願君永持
翫循環無終極既別積八九年不相聞貞元十一年
章武至華州將舍于王氏其門閭然見東隣之婦就
而訪之則子婦歿已再周矣乃求鄰婦爲開門命從
者治食物忽有一婦人持箒出房云王家亡婦感郎
恩情將見會章武許諾執箒人卽不見至二更聞西

北角悉率有聲如有人形冉冉而至五六步卽辨其
容色衣服乃主人子婦也章武下牀迎擁攜手歎若
平生之歡自云在冥錄中都忘親戚但思君子之心
如平昔耳章武倍與狎暱至五更子婦泣下床與章
武別自于裙帶上解錦囊囊中取一物似彈丸其色
紺碧質又堅密似玉而冷狀如小葉章武不之識子
婦曰此所謂韎韐寶也妾近與西岳玉京夫人戲見
此物在衆寶璫中愛而訪之夫人遂解以相投以耶
奉道精誠故以投贈章武取白玉寶簪一以酌之叙
別訖遂却赴西北隅不復見

才鬼錄

后始加大號婕妤上二十六物使侍兒郭語瓊拜上

內有獨搖寶蓮一鋪

飛燕外傳

紫竹有南番桃花片重數錢色如桃花而明瑩如榴

肉異寶也

鄭煥記

水仙子爲南溟夫人侍者手恒弄一圓石如鳥卵色

類玉一日忽大風雨其石裂破有一蟲走出乘風飛

去蓋龍也石隨台畧無縫痕

修真錄

張牧過點蒼山抬一圓石經寸明于水晶映月視之
則有綠樹陰陰下有一女子坐繩床觀白兔搗藥兔
不停樹葉若風動女子亦時時以手拂髮髻或微笑

意其爲嫦娥也一夕名客看月出以視之忽躍入空

中明于月不知所之

採蘭雜志

姚月華時以石華遺達云出丹洞玉池異于他處色

如南水晶清明而瑩久服延年

瑯嬛記

同昌公主帶蠲忿犀圓如彈丸帶之蠲忿

杜陽雜編

太初中女蠻貢雙龍犀

杜陽雜編

忠懿王繼妃俞氏宋太祖時進犀二十株通犀賴犀

玉帶三十二條

吳越衛史

安南國進皇后方物狀有犀角二十株大烏犀角五

株花犀三株象牙三十扎

天南行記

